

內蒙古地理

戴傳頤題



內
蒙
古
地
理

黃
河
地
區

內
蒙
古
地
理

中華民國二十六年六月出版

內蒙古地理

定價 肆角

版權
所有

編著者 許公武

印刷者 考試院印刷所

出版者 新亞細亞學會出版科

發行者 新亞細亞學會
南京江蘇路十一號

代售處 全國各大書局

內蒙古地理序


內蒙當大漠南東抵吉黑西屬新疆綰全國北面之大防三代以還所謂獯鬻獫狁匈奴鮮卑回鶻契丹女真韃靼諸族大氏皆馳逐出沒于斯歷代之邊患什九在北是以漢之開朔隋唐之築三受降明之列九邊以及燕魏趙秦以下之起長城所備皆爲今之內蒙地綦重也有清入關蒙疆並隸職方而喀倫之設乃在鄂倫肯特之北內蒙不啻腹裏二三百年無事逮海禦解禁天下之勢轉重于南塞草久荒人多不復措意幾等甌脫置之自遠鶴唳於關外虜騎及于雲中國人惕然懼蹶然起而陰山南北遂爲羣目矚視之地切切焉議防守矣顧海內圖籍往往南詳而朔略瀚海之陽方二萬里殆不可得而備考不第爲方志之闕有志籌邊者其將何以爲據依乎許君是書舉六盟之封域具著其廣輪之度遠近之差隆窳之勢流峙之形凝沍之質蕃播之狀要刪而質實不涉議論而務切於用且便省覽庶人人可以周知邊牆以外之情狀而

於設險守國之道其亦有資於是矣由是而追尋古人在昔之經營與今日方略之所宜出風景不殊舊物未改黃龍痛飲我思何如民國二十有六年蔣作賓序


內蒙古地理序

遼藩不守，國難日深，憂時之士多殫其精力於邊事之研討，冀以實際資料，供建設邊疆鞏固國防之參考。而內蒙古居國防之最前線，吾人飲馬長城，眷懷故土，對其地理環境，尤應有深切之瞭解。許先生公武，績學深湛，夙諳邊事，茲以從政之暇，編著內蒙古地理一書，蒐羅既富，抉擇彌精，於山川地勢邊防民族諸端，條分縷析，記述綦詳。其裨益於建設邊疆，鞏固國防，良非淺鮮。研究邊事者，誠宜人手一編也。敬爲序。民國二十六年三月合肥吳忠信

包 古 蒙



羣 羊




行 旅 中 漠




庭 家 之 人 古 蒙





歸綏白塔寺召

召 寺 旂 特 拉 達



擠 牛 乳



歸 綬 白 塔



內蒙古地理目錄

插圖

第一章 總論

第二章 地位

第三章 地勢

一、地勢區分

二、地質

三、山脈

四、江河

五、湖池沼澤

六、森林

七、長城

八、柳條邊牆

九、邊防

內蒙古地理

內蒙古通志

第四章 氣象

第五章 民族

第六章 戶口

附圖

附錄

內蒙古風俗

內蒙古地理

第一章 總論

中國本部之北方土地，由北緯三十七度至五十三度，東經八十五度至百二十七度一帶地域，統稱爲蒙古。其地形勢，東西廣而南北狹，東與東三省連接，西與甘肅新疆連接，南與中國本部之萬里長城及東三省之柳條邊牆連接，北以阿爾泰山山脈及黑龍江流域與俄屬西伯利亞分界。戈壁沙漠，由興安嶺麓起，向西橫貫至新疆以劃分內外蒙古之區域，在戈壁之西北者爲外蒙古，其東南部爲內蒙古，故又有漠北蒙古、漠南蒙古之稱。

內蒙古之西北，隔戈壁沙漠與外蒙古相望，其東北與呼倫貝爾及黑龍江省接壤，東南以柳條邊牆爲界，與遼甯吉林二省接壤。其南之萬里長城，西端曰玉門關，蜿蜒東南走，經甘肅、甯夏，越黃河而達山海關，以分割陝西、山西、河北三省之北邊。其地域自北緯三十八度至北緯四十七度，東經自百零四度至百二十六度。

行政區域劃分爲東四盟與西二盟，其在東部者，如哲里木盟、卓索圖盟、昭烏達盟、錫林郭勒盟，謂之東四

盟在西部者，如烏爾察布盟、伊克昭盟，謂之西二盟。

卓索圖盟、昭烏達盟、察哈爾部、烏爾察布盟、伊克昭盟，清時爲八旗駐防地，後改爲熱河、察哈爾、綏遠各省治。

第二章 地位

- 一、哲里木盟 爲東四盟中之東北部，其北由北緯四十二度三十分至北緯四十七度三十分，其東由東經百二十度至東經百二十六度。東南以柳條邊牆爲界，與吉林、遼甯二省境相接。東北在松花江流域者爲吉林、黑龍江省境。西北沿內興安嶺脈，與錫林郭勒盟交界。西南連接昭烏達盟。其正南之一角，與卓索圖盟接界。
- 二、卓索圖盟 爲東四盟中之西南部，其北由北緯四十二度三十分至北緯四十度，其東自東經百十八度至東經百二十二度。東南以柳條邊牆爲界，與遼甯省境相接。南以萬里長城爲界，與河北省境相接。西邊挾陰山脈，與察哈爾之正藍旗、鑲白旗、正白旗境相接。北邊一帶，連接昭烏達盟。東邊一部，連接哲里木盟。
- 三、昭烏達盟 爲東四盟之中央部，北自北緯四十二度至北緯四十五度十分，東自東經百十六度二十分至東經百二十一度。東北連接哲里木盟，正南一帶，連接卓索圖盟及圍場地方。西北沿興安嶺，與錫林郭勒盟接壤。

四、錫林郭勒盟 在興安嶺之西，北自北緯四十二度至北緯四十七度，東自東經百十一度至東經百二十度。東北包有索岳爾濟山。東部一帶，與哲里木盟、昭烏達盟連接。西北一帶，面戈壁沙漠，與外蒙古喀爾喀車臣汗連接。西南與烏蘭察布盟及察哈爾連接。

五、察哈爾部 北自北緯四十一度至北緯四十三度，東自東經百十二度至東經百十五度三十分，東西長而南北短。西南一帶，至萬里長城，與河北山西兩省地方錯綜相接。東北與昭烏達盟之一部及錫林郭勒盟連接。北與歸化城、土默特部及烏蘭察布連接。

六、錫林圖庫倫喇嘛牧地 東北與哲里木盟連接。南與卓索圖盟之東土默特旗連接。西與昭烏達盟之喀爾喀左翼旗及奈曼旗連接。

七、伊克安旗 在黑龍江之龍江縣東北，東南一帶，連接拜泉縣境。北與訥河縣及克山縣連接。

八、呼倫貝爾 在黑龍江省之西，其東據與興安嶺與黑龍江省連接。西以額爾古納河與俄國分界。北以黑龍江流域與俄國分界。西南與俄國沙巴依克盧省與外蒙古中臣汗部犬牙相錯。

以上各盟土地之面積，未經實地調查，未能知其確數，照圖上計算，約二萬餘方里。

第三章 地勢

東部內蒙古，其地多山，興安嶺由南而北直貫中央，宛如脊梁。其起點之南端，與陰山脈交錯混雜，蜿蜒西南走，而興安嶺之分水線，轉偏於西，山峯巍峨，頗多岩石，標高由八九十米至百二三十米，山勢傾斜急峻，有如絕壁，或爲三十度至六十度之斜坡。水流分於東西，分水線之西北，多寬而短之峪地，起伏緩慢，形成大波狀形之高原地帶，少河流，多湖澤。而東南部，則有無數之狹長峪地，向東南馳，形成山麓地帶，峪地漸次低下，亦漸次寬廣。河流發源於分水嶺及山麓地帶，東流入於平地。

至陰山山系，縱橫奔馳，頗極綜錯，雖分派支脈地帶，而山岳重重。今以受二山系支配所形成之地勢，而分劃各盟，其在東北者爲哲里木盟，興安嶺山麓地帶當其西，陰山山脈之餘派環其南，東遼河松花江流域繞其東，且隔以長白山脈。故本盟西部興安嶺脈之餘派起伏，東部小區域間爲南北延長之波狀丘阜地帶。南方一帶除有橫於昭烏達盟東方戈壁流沙侵入外，餘皆一望千里之大平原也。

占據中央部者爲昭烏達盟地方，其西則陰山山脈與興安嶺脈相綜錯。陰山主脈東南行向卓索圖盟奔馳，而餘波蜿蜒連亘爲本盟之南界，興安嶺主脈橫於本盟之東北一帶，絕無餘脈分派，所謂山麓地帶及高原